

den rechten weg vnser Arbeit nicht wissen noch erfahren können /
Ob es schon also wehre / dz man so eine hohe Medicin vñ Tinctur
bereiten kün / sey es doch so schwer / das kein Mensch darzu
kommen könnte / vnd also wolten sie eine solche kunst vnd gaben
Gottes / durch ihr schenden vnd lestern Gotte abpochen / dar-
umb sey du eingedenck der wolthat / die dir Gott geben hat / den
Gott wil von vns durch eine gaben / als von seinen Kindern ge-
chret / gelobet vnd gepreiset sein / so wil er seinen Segen vñnd
Göttliche Benedeyung vber alle vnser fürnehmen reichlich geben /
vnd vns behüten alhier zeitlich vnd dort Ewiglich / Amen.

Fragstück.

Wie viel seind Werck vnser Arbeit?

Nemlich in ganzer Warheit nicht mehr / den zwey / des
A vnd der O.

Wie viel seind Schlüssel in der kunst?

Ihr seind viere.

Wie heissen sie?

Der Erste ist die Solution vnd putrefaction , denn das
Werck wird in vier theile getheilet.

Der Ander ist die Sublimation oder scheidung der Elementen
vnd reinigung vnser Steins.

Der Dritte ist die nachfolgung des Mannes vñnd Weibes
Samen / mit einem Natürlichen heyrathe zu vormischen / vnd
sich ganz vnd gar mit einander voreinigen.

Der Vierte ist / so sich der Geist erkündet vnd erhebt / sol
das Glas auff das aller feste mit dem Sigillo Hermetis zuge-
macht werden / damit der Geist nicht dauon mag fliehen / so er-
hebet sich der Körper vnd steigt in die höhe / vnd wird also alles in
einen Geist vorkchret. / las ihn also auff vnd nieder steigen /
bis